

# QUÆSTIO MEDICA.

## *An Venus Hystericis?*

### I.

**M**ULIER, μεμψίμιος ἐν καὶ ἡγευτικὸν ζωὸν, temperamentò frigidò humidò, densà cute, otio & gulæ plus æquò indulgens, tota morbus est & infirmitas. Animum si spectes, pusillum, levem, angustum, iracundum, versatilem, dolosum, infidum, varium & mutabilem invenies. Si corpus, tenerum, imbecillum, & omnium ferè morborum epitomen dixeris. Undique ipsi parantur insidiæ, intus, foris, οὐδὲν ὑγίης. Omnibus tùm corporis cùm animi dotibus sequior ille sexus exuitur, vnà pulchritudine exceptâ; est enim mulier καλὸν πῆμα. Quid plura? verè πάλος ἀσπενὲς, ipsò sacrorum codicum testimoniò, vt in eâ efformandâ non tam ipsi fuerit natura parens, quàm noverca. Cave tamen eam dicas esse ejusdem naturæ παρέχασιν, ἀναπλεῖαν φυσικὴν, marem mutilum, & infeminem, imò & monitrum quodammodo, nì velis & ipse περὶ αὐτολογεῖν. Has Peripateticorum de scæmineitate nugas, has affanias, hæc somnia planè rejicimus. Est enim scæmina ens necessarium, quod non minùs quàm mas à naturâ intenditur, quæ si sit valida καὶ αὐτεξούσιος, nihil perperam molitur: sed cùm vis quædam Dei sit, eundem semper servat ordinem, nec ambigit, quippe quam quinque hæc virtutes commendent, πρόνοια, διακοσμία, τέχνη, σοφία, καὶ δύναμις.

### II.

**M**ULIERUM affectus varii, ac pene innumeri, quos præsertim pariter edacitas, otiosa vita: nam plantæ solo affixæ similes perpetuo sedent, & mandunt. Eas non ineleganter dixeris τέκνους μεσούχθαι, cadavera collò tenus; quibus præ inglucie pigris, neque pes, neque manus, neque mens suò funguntur officio, sed saginando corpori duntaxat indulgentes, κινδυνόουσιν ἀποδεδρωθήναι: parum abest quin arborefcent, & in plantarum naturam degenerent, dum alimoniam tantùm attrahentes, cætera sine sensu habere videntur. Ab hoc gemino fonte, ingens humorum πλεονεξία, & sanguinis vbertas in dies ipsis accedit, nihil autem aut parum decedit. Nam cùm illarum corpus calore nativò minùs

A

2  
 quàm virile circumfluat; inde fit vt minùs consumant, minùsque perspirent, nec sit in ipsis ἀάλογον τόποσιν τῆς διαπόσης, πρὸ ποσῶ τῆς τροφῆς; sicque repleantur illarum carnes & venæ humoris & sanguinis crudioris vbertate, à quâ morborum milias, febrium omne genus, inflammationes viscerum, capitis dolore acerrimi, pleuritides, peripneumonia, catharri, tusses, dolores colici, artuum inferiorum tumores, rheumatismi, imò & podagra ipsa, etiam μετὰ ἀφροδισιασμοῦ, ac cæteri viriles morbi, quorum insultibus vt maximè patent, sic minùs quoque resistunt; ἀδυνάτεια γὰρ ἐὼς ὀλιγωτέρη φέρεται ἢ γυναίκεϊ.

### III.

PRÆTER laudatos istos & vulgares affectus, suos etiam peculiare & sibi proprios miscellæ patiuntur, & hos cognitu difficiles, non per se quidem, sed quia apud se reticent, ac eas pudet eliminare foras, αἰδέονται φράζειν: id sibi fore turpissimum & indecorum ratæ, ὑπὸ τῆς ἀπειρίας, & ἀνεπιστημοσύνης; sicque cum suâ sæpe erubescentiâ pereunt, medicis in eo peccantibus, quòd iis medeantur morbis tanquam virilibus, à quibus tamen discrepant quàm maximè. Talia sunt, ciborum fastidia, malaciæ, vomitus, lassitudines, albæ febres, seu faciei pallor, amantium coloris similis, albi fluores, palmi, metus, mæror, anxietas, desperatio, μετρωμένη, seu furores vterini, convulsiones epilepticæ, quæ eas interdum sic exagitant, vt incautis & credulis τῶν ἐνερρησµένων ἰπείεie illudant: atque alii ejusmodi affectus virginei, qui propriâ carent nomenclaturâ, quos expeririuntur, cum viro jam maturæ, ex ephëbis exceßerint. Sed hi omnes affectus parvi ducuntur, præ illâ terribili vteri præfocatione, aut strangulatu. Aliud enim quidquid est, ægrotare est, hoc autem est animam agere. In eo siquidem horrendò symptoma-te, mulier aut virgo veluti mortua & exanimis jacet, sine pulsû ac respiratione, quæ duo sunt maxima vitæ subsidia, sine motu, sine sensu, fitque tunc ἀφρονος & ἀναισθητος, quæ suâpre naturâ loquax est, & ἀχάλιτος, indomita, franoque indigens. Denique feriuntur & facultatum principum functiones omnes, vt nec ratiocinetur, nec meminerit, nec sibi quicquam imagnetur. Vivit tamen, licet ipsa suæ non conscia vitæ.

### IV.

OMNIUM ferè morborum atque symptomatum muliebrum fons fo-mesque, vterus: vt quidquid in mulieribus cuditur mali, aut in vte-rò sit, aut ab vterò. Est enim pars illa vt sentina, in quam totius corpo-ris sordes & κατάρματα amandantur: quibus excipiendis favet illius li-

tus declivis, in ima hypochondrii parte, medius inter vesicam & intestinum rectum, tanquam inter duo pulvinaria & substernicula, longè à nobilissimâ rationis arce, inibi alligatus, ὅσπερ ἄρριον θρέμμεται εἰς σάττην. Non tamen infimâ fortis aut proletarium viscus est, à quo tota ferè mulierum aut secunda penderet, aut adversâ valetudo. Alitur alluiturque pars illa plurimis venis & diversi generis, quæ mensibus & semini materiam suggerunt: hæc si redundant, & in vtero diutiùs subliterint, nec suo tempore & loco excernantur, morâ putrent, sed inæqualiter, cùm semen retentum cohibitos menses malignitate vincat. Ab ejusmodi ἐπιστάσει varia exurgunt & suscitantur pathemata, non tantùm in vtero, aut circa locos vteri, vt sunt phegmone, carcinomata, erysipelata, schirrhî, sed etiam in diversis aliis corporis partibus, quibus vasorum communione consentit: vt si prædicti illi humores, aut tetra illorum exspiratio cursum inflectat ad hepar, cachexiam, icterum, hydropem; si ad lienem, obstructions, schirrhos; ad ventriculum, depravatam appetentiam, malaciam, vomitum, bulimum; ad cor, palpitationem, syncopen, desipientiam; ad pulmones, vlcera, tabes; denique si ad cerebrum, epilepsiam hystericam ingeneret. Tantum potest malè affectus vterus suadere malorum! Sed inter omnia symptomata muliebria, primas tenet vteri præfocatio, quæ non tam à retentò semine, & cohibitis mensibus supervenit, quàm à denegatò virili semine, cujus est sitientissimus vterus. Eò namque tantùm propiò geniò defraudatus, immane quantum allatrat & furit: fugit sursum, deorsum; ad latera, nec suo tenetur loco, vbique pastum queritans, quò non suppetente, convellitur rescicatus ἐπὶ τῆς πάλαι ποτὶνος, & ad hepar libidinis æstrò percitus tanquam ad ἰνυαλίου fontem excurrit, excursus vteri ad hepar consequitur diaphragmatis oppressio, à quâ suffocatio hystérica, strangulatus, ac si adesset illaqueatio. Hoc terribili symptomate aliæ aliis plus minùsve torquentur, virgines maturæ viro nuptis, viduæ maritatis, juvenes vetulis. Adeo verum est vterum in his omnibus non minùs esse αἰσθητικόν τῆς ὀδύνης, ἢ τῆς ἡδονῆς!

## V.

**A**DVERSUS prædictum illud & formidabile symptoma, cujus tanta vis aliquando fuit, vt nonnullas non semel de medio sustulerit, pugnabis accommodatis præsidiiis adversus causas; vt si suppressi menses, aut semen retentum ὑπερμερῶς πᾶσι ἀνσάν & ποόρασι dederint, vtriusque exuperantiam reprimas sanguinis missione cùm ex superis, cùm inferis artubus celebratâ, nullâ tunc habitâ virium ratione, quæ in istis rerum angustiis magis opprimuntur, quàm languent. Huic hegemonico succedet & alterum, purgatio, eaque blanda, semel atque iterum

repetita, præsertim si vitiosos humores circa locos vteri malignè putrescentes, tetrò suò ac venenatò vapore, fursùm clarò nonnihil ad præfocationem contulisse suspicèris. His adduntur virgente paroxysmo & alia quamplurima. Nonnulli graveolentia naribus admovent, quæ suo fœtore vaporis malignitatem deturbant, pudendis autem mulierum supponunt τὰ βαδύ, quibus vterus impensè delectatur. Alii cucurbitulas imo ventri, & interioribus coxis affigunt, ἀντανδρωτὸς γέλειν. Sed hæc sunt dii minorum gentium, & levioris armaturæ præsidia, ἡ γὰρ σὺν ἡμῶν ἡ γὰρ σὺν ἡμῶν, Venus. Hæc si libidinose & frequenter exerceatur, viam sternit mensibus patentiorē, & ἐντρέχει ποιεῖ, seminis item quo genitalia turgent, effluxum promovet, quo excreto omnia deposita feritate mansuescunt. Caveant puellæ viro jam maturæ, cocundi rudes, & nondum marem expertæ, ne amoris agitatæ stimulis, phallovitrobè nefariè voluptuentur, aut digito hymenæum celebrent. Utantur meliùs libidinis malò, nec in vmbra voluptatis ludant, sed quærant robustiorem. Siccior & pruriens vterus aliud poscit, quo humectetur, edulium, rorem illum genitalem viri; amat hoc salutare imbrem muliebris ager irrigari. Sed si puella castitatem voverit, an ipsi impunè scortari liceat, suffocationis vitandæ ergò: absit. Non sunt admittenda mala, ut inde eveniat bonum: αἰσχρονόρηται suadere semper erubuit Christianus Medicus. Sed à Veneris abstinentiâ prædictæ puellæ nihil metuendum, si jejuno Veneris amuleto, & carnis maceratione, libidinis ardores, & feminis exuperantiam castiget. Quòd si nec Deo sacra, sed virgo sit, & vratur, libidinandi desiderio flagrans, & ex intervallis opprimatur, suffocationi medicinam quærat legitimo concubitu, nubat, & virum quadratum & succi plenum eligat sibi, qui fundum mulieris sedulus aret, & ὡπὸς incolat prægrandi priapo, *che sie grozzo, è duro, è che duri*. Ab hoc vno præsidio tota passionis hysteriæ curatio pendet, quod & pluribus aliis morbis, pituitosis, melancholicis, congenitis & inveteratis, si qua Hippocrati fides, medetur. Tantùm pollet clinopale, duellum illud dulce, etiam inexpertis, & tolerabile remedium.

*Ergo Venus Hystericis.*

---

PARISIIS, E Typographia Viduæ EDMUNDI MARTINI,  
viâ Jacobæâ, sub Solc aureo, & Sacrificio Abelis.